

四庫全書

經部

欽定四庫全書

經部

禹貢錐指卷十四上

詳校官監察御史<sub>臣</sub>王爾烈

通政使司副使<sub>臣</sub>英瞻奉覆勅

總校官庶吉士<sub>臣</sub>倉聖脈

校對官檢討<sub>臣</sub>盧應

謄錄監生<sub>臣</sub>趙立福

欽定四庫全書

禹貢錐指卷十四上

德清胡渭撰

嶓冢導漾東流為漢

渭按漾史記作漾漢書氏道下又作養古字通也

傳曰泉始出山為漾水東南流為沔水至漢中東流為漢水易氏曰漾水東流百八十里經興元之南鄭縣名漢水黃氏曰漢有沔漾之名皆東漢水也地理志西漢水出西縣嶓冢山南入廣漢白水蓋潛漢也

經不著其所自古皆以為東西兩漢俱出嶠冢則  
或然矣而西漢固無沔漾之名地理志漾水出隴西  
氐道至武都為漢武都東漢水受氐道水名沔是則  
沔水俱為東漢也獨氐道武都脈絡不通川渠阻隔  
武都受漾為不可據而桑欽遂徙氐道漾水為西漢  
之源由是愈紛錯酈道元委曲遷就通之以潛伏之  
流證之以難驗之論更覺齟齬故當盡廢諸說而一  
之以經文杜佑通典秦州上邽縣嶠冢山西漢水所

出經嘉陵曰嘉陵江經閬中曰閬江漢中金牛縣嶓  
冢山禹導漾水東流為漢水亦曰沔水其說為可據  
涓按嶓冢見導山魏地形志華陽郡嶓冢縣有嶓冢  
山漢水出焉元和志嶓冢山在興元府金牛縣東二  
十八里漢水出焉經南鄭縣南去縣一百步禹貢嶓  
冢導漾東流為漢是也南鄭今陝西漢中府治其故  
城在今府城東北嶓冢故城在今沔縣白馬城東南  
五里上邽故城在今鞏昌府秦州西南金牛舊縣在

今漢中府寧羌州西北其嶓冢山在今沔縣西南接  
寧羌州界

漢郊祀志秦祠沔於漢中地理志漢中有沔陽縣  
武都下云東漢水一名沔則沔漢互稱其來已久  
而沮縣下又云沮水出東狼谷南至沙羨南入江

荊州川

沮子余反  
羨音夷

按周禮荊州川曰江漢而無沮

是沮即沔也水經注沔水出武都沮縣東狼谷中

一名沮水

關駟曰以其初出沮泓然故曰沮水縣  
亦受名焉導源南流泉街水注之水出

河池縣東南流入沮縣會於沔元和志沮水出興州順政縣東北八十二里按沮縣故城在今漢中府略陽縣界晉永嘉後沒於氐羌縣廢後魏改置武興縣又僞置略陽縣西魏改略陽曰漢曲隋又改曰順政唐為興州治宋復改順政曰略陽今在寧羌州北二百二十里河池今徽州屬鞏昌府泉街水在略陽縣東南沔縣志

陽縣北與略陽接界又東南流注漢所謂沔漢者也尚書曰嶓

冢導漾東流為漢山海經所謂漢出鮒嶧山也東

北流得獻水口庾仲雍云是水南至關城合西漢水又東北合沮口

漢水自寧羌州東北流逕沔縣故大安軍南又東北至青羊驛沮口在馮宋開禧二年金人陷大散

關叛將吳曦退屯置口旋還興州置口即沮口也同為漢水之源故孔安

國曰漾水東流為沔蓋與沔合也至漢中為漢水

是互相通稱矣

班固曰東漢水一名沔鄭康成曰或謂漢為沔如淳曰北方人謂漢

水為沔水又東逕白馬戍南瀘水入焉

水北發武都氏中南

逕張魯城東又南逕張魯治東張魯治東對白馬城一名陽平關瀘水南流入沔其城西帶瀘水南

面沔川二水之交故亦曰瀘口城矣按地形志沔陽縣有白馬城今在沔縣西南即漢陽平關亦曰

白馬戍瀘水在

縣西三十里又東逕武侯壘南

諸葛武侯所居也亦名石馬城

在今沔縣南

又東逕沔陽縣故城南

城蕭何所築也南對定軍山諸葛亮



遺令葬此按沔陽故城寰宇記云在西  
縣東南十六里今在沔縣東南十里 又東逕西

樂城北城在今沔縣西 又左得度水口在沔縣南二里 又

東右會溫泉水口在沔縣東南 又東黃沙水左注之水南

有女郎山按沔縣東四十里有  
沙水女郎山在褒城縣西南 又東合褒水西北

嶺山東南流入漢元和志褒谷山在褒城縣北五  
里南口為褒北口為斜長四百七十里按褒水在

今褒城 又東逕萬石城下在褒城縣東 又東逕漢廟堆

下在今南鄭縣西南 又東逕南鄭縣南漢高祖入秦項羽封為漢王蕭何曰

天漢美名也 以今輿地言之漾水出寧羌州北嶓  
遂都南鄭

冢山

寧先在漢中府西  
北三百八十里

東北流逕沔縣西南合沔

水又東逕沔縣南

沔縣在府西  
少北九十里

又東逕褒城縣南

在府西北四十里  
沔水去縣二十四里

又東逕南鄭縣南為漢水

縣三經所謂嶓冢導漾東流為漢者也

陸游曰嘗登嶓冢山有泉涓涓出山間是為漢水

之源此務觀入蜀塗歷金牛目驗而得之涓涓細

流安國傳所謂泉始出山為漾水者也新城王尚

書士禎昔典試四川撰蜀道驛程記其言嶓漢最

為詳覈記曰出沔縣西門曲折行亂山中沔水流  
經其中略如棧道但山庠無林木沔流舒緩不及  
褻水湍悍耳西涉沮水抵大安驛有土城廢址宋  
置大安軍沔沮之間闊者未丈許狹者才二三尺  
沙石磷磷深不沒踝自大安西南亂山益稠至金  
牛驛北望見嶠冢山峩然雲表一小水自西東流  
即所謂嶠冢導漾者也水纔濫觴不沒鳧鴈合五  
丁峽水東流為沔其流始大金牛驛西三里稍南

入五丁峽一名金牛峽

在寧羌州北三十里

峽口懸崖萬仞

陰風颯然水自峽中噴薄而出寧羌州在亂山中

無城堞本沔縣羊鹿坪地明洪武中以山寇作亂

置寧羌衛於此成化中即衛建州治自州行十里

渡水過百牢關關下有分水嶺嶺東水皆北流至

五丁峽北合漾水入沔嶺西水皆南流逕七盤關

龍洞合嘉陵水為川江常璩言沔出蟠冢合白水

為西漢明與導漾之文相悖按通典蟠冢山有二

一在天水上邽一在漢中金牛雍大記云西漢水  
在西和縣源出嶓冢山西流與馬池水合此乃上  
邽之嶓冢在今秦州又云漢江源出沔縣嶓冢山  
東流入金州此乃金牛之嶓冢禹貢嶓冢導漾乃  
沔縣之嶓冢非秦州之嶓冢知嶓冢有二則東西  
二漢源流各自了然漾之與沔本為一流與隴西  
之嶓冢都無交涉常氏之誤可不辯而明矣公使  
車閱歷較陸氏所得更備且大有裨於經學非徒

紀遊覽之勝而已故掇其要著於篇

漢志隴西氏道下云禹貢養水所出至武都為漢

師古曰氏夷種名氏之所居故曰氏道按邑有蠻夷曰道晉永嘉之後地没於氏羌縣多荒廢氏道

今不知所在武都郡武都縣下云東漢水受氏道水一

名沔過江夏謂之夏水入江武都本白馬氏地漢元鼎六年開以為武

都郡治武都縣今鞏昌府成縣西北百里有仇池山山上有仇池城城東南有武都縣故城即漢武

都郡治也水經漾水出隴西氏道縣嶠家山東至武都

沮縣為漢水常璩華陽國志漢水有二源東源出

武都氏道縣漾山為漾水

氏道晉改屬武都郡

禹貢導漾東

流為漢是也此皆依漢志以為言然氏道漾水至

武都為東漢水卒莫有能言其所經者今按酈注

濁水出濁城北

今成縣有濁水成亦曰濁水城胡三省云在上祿縣東南武街城西

北東流與丁令溪水會

水北出丁令谷南逕武街城西東南入濁水又

東逕武街城南

故下辨縣治今廣業郡治按此城在今成縣西三十里

又東

弘休水注之

水北出溪南逕武街城東而南注于濁水

又東逕白石縣

南

續漢書曰下辨城東三十餘里有峽峽中白水生大石障塞水流濁水即白水之異名也按白

石縣今為成縣治

又東南渥陽水注之

水北出渥谷南逕白石縣東而南入

濁水

又東南與仇鳩水合

水發鳩溪南逕河池縣故城西而西南流注濁水

又東與河池水合

水出河池北谷南逕河池戍東西南入濁水

又東南

兩當水注之水出陳倉縣之大散嶺西南流入故

道川謂之故道水西南逕故道城東又西南入廣

業郡界與沮水枝津合謂之兩當溪水上承武都

沮縣之沮水瀆

沮縣今略陽沮水在縣東

西南流注於兩當溪

又西南注於濁水濁水南逕槃頭郡東

今略陽縣西北一百



里有長舉廢縣後  
魏於此置樂頭郡

而南合鳳溪水

水上承濁水於廢廣業郡南逕

鳳溪出鳳凰臺下  
東南流左注濁水

又東注于漢水

謂西漢水

觀此文則

漢志以沮水枝津上承氐道水下為東漢水可知

也氐道雖未詳其處所以地望度之當在西縣之

東河池之西上邽之南下辨之北濁水所受有丁

令溪水弘休水渥陽水皆出其北蓋自氐道來也

其中或有漢志所謂養水者但今無可攷耳然沮

水枝津上承沮瀆自東入西非自西入東也昔之

觀水作記者不察地勢之高下不辨川流之去來  
遂以為氐道養水合濁水兩當溪由枝津以達沮  
沔是為東漢之源而不知其非也班固因之故有  
此誤水經於武都下加沮縣二字蓋亦以氐道水下  
通沮水為東漢之源也然漢志不言養水出何山  
而水經復附會之曰嶠冢則氐道亦有嶠冢山矣  
常璩知其非是故又因水以名其山曰漾山而為  
之殊目要之氐道水所出別是一山非嶠冢也近

世言漢水者皆知班固之誤而不知其誤所由來  
故詳著其原委如此

漢志隴西西縣下云禹貢嶓冢山西漢水所出

括地

志秦西垂宮即漢西縣在秦州上邽縣西南九十里元和志嶓冢山在上邽縣西南五十八里然則山在故西縣東北去西縣三十二里也上邽漢屬隴西郡唐為秦州治今鞏昌府秦州是志云西縣故城在州西南一百二十里嶓冢山在州西南六十里山不甚高而峰岫延長連屬若冢是山在西縣故城東北六十里也與括地元和志里數不同蓋唐之上邽在今州之西南去西縣故城當較近但山不當更差二十八里耳州志城與山必有一誤  
南入廣漢白水東南至

江州入江

元和志利州景谷縣本漢白水縣屬廣漢郡宋為平興縣隋改曰景谷今四川

保寧府昭化縣之白水鎮是也鎮在縣西百里白水在縣北二十里至縣東三里合嘉陵江漢巴郡

治江州縣其故城在今重慶府巴縣西過郡四隴

大江在縣東南嘉陵江至此入大江武都廣漢巴郡行二千七百里此與氏道之養水全

無交涉水經非一時一手作漾水篇首云漾水出

隴西氏道縣嶓冢山東至武都沮縣為漢水此不

過依漢志氏道一條以立文惟加嶓冢沮縣為不

同耳其所謂漢水即東漢也亦與西縣之西漢全

無交涉及觀下文東南逕白水葭萌閬中至江州

入江則又確是西漢水與武都一條全無交涉及矣

首尾橫決必魏晉間人所續也

經文有曰廣魏者故廣漢也蓋曹氏

改名漢後人續經此亦其一證

尋其意指蓋以氐道水南合濁水

兩當溪歷槃頭郡東而南為西漢水也

槃頭治長舉亦漢沮

縣地故酈注以為東西兩川俱出蟠冢而同為漢水

其言曰劉澄之云有水從沔陽縣南至梓潼漢壽

入大穴暗通罝山郭景純亦言是矣罝山穴小本

不容水水成大澤而流與漢合庾仲邕又言漢水自武遂川南入蔓葛谷越野牛逕至關城合西漢水故諸言漢者多言西漢水至葭萌入漢則兩川通波更在沮縣之南矣嘗試以圖志考之漾沮雖有枝津與西漢通要皆自東入西非自西入東也蓋嶓冢亘絕東西俗謂之分水嶺地勢東高而西下故西漢水自略陽縣南入寧羌州界即折而西南避高就下其性則然豈有東入之理澄之所言

即禹貢之潛仲邕所言即通谷水也二水皆東漢之枝津西流入西漢水而說者乃謂西漢水至葭萌入漢顛倒之矣今嶺東漾沮枝津皆入西漢嶺西谿澗之水亦皆入西漢川流去來有目者盡能驗之其可是古而非今乎

凡川流去來以平日為主時值暴漲則急水溢入緩水而東者反西南者反北漲稍退則如常矣洞庭彭蠡之水皆北入大江及夏秋江漲迴流入湖

清湍為之改色此其尤彰明較著者昔人以西漢水東合沮沔蓋亦據暴漲之時溢入東川故有此誤耳余家臨餘不溪溪水分流自清河橋入經縣前出西水門西北合前溪水又西北與茗雲會即古北流水也此水本自東入西投之以物輒西流及溪水暴漲乃自其上流溢入馬厄河而東入西水門出清河橋投之以物則東流矣使客游者觀之能不以暫為常乎故夫山川之向背非熟察情



形參詳圖志未有能得其真者也

酈道元雖有東西兩川俱出嶓冢之說而終以西漢為主注云今西縣嶓冢山西漢水所導也西流

與馬池水合

寰宇記云馬池源出嶓冢山

又西南合楊廉川水

水出西谷東南流逕西縣故城北又東南入西漢水

又西南逕始昌峽始昌

縣故城西

城在今西和縣北

又西南逕宕備戍南

戍在西和縣東

北又西南逕祁山軍南

祁山在嶓冢之西七十許里今在西和縣西北七十

里又西逕蘭倉城南

今禮縣東南有蘭倉故城

又南入嘉陵道

而為嘉陵水

禮縣本漢嘉陵道地屬武都郡西漢水至此為嘉陵水傅同叔云嘉陵江

出鳳州大散關西南嘉陵谷至興州北境當會東漢水而東行安得越東漢而為西漢乎宋人以故

道水為嘉陵江大非近志皆承其謬故道水合濁水至槃頭郡入西漢水至今猶然何言會東漢而

不為西漢邪

又東南逕瞿堆西又屈逕瞿堆南

孤嶮雲高望之

形若覆壺開山圖謂之仇夷漢武帝元鼎六年開以為武都郡左右悉白馬氏矣按瞿堆即仇池山

在今成縣西北百里

又東南逕濁水城南

亦曰濁水戌在成縣西

又東

南逕脩城道南

今略陽縣西北有脩城廢縣漢志作循城屬武都郡

又東南

於槃頭城南與濁水合

詳見前

又東逕武興城南

今略

陽縣治即武興故城唐為興州順政縣  
元和志嘉陵江經順政縣南去縣百步  
又西南逕

關城北

除水出西北除溪東南流入漢按關城即  
今陽平關在寧羌州西北八十里東至沔

縣一百  
七十里

又西南逕通谷

通谷水出東北通溪上承  
漾水西南流為西漢水按

唐武德二年分綿谷縣之通谷鎮置金牛縣在今  
寧羌州金牛驛西三十里庾仲邕曰漢水自武遂  
川南入蔓葛谷越野牛逕至關城合西漢蓋  
即此通谷水也通溪上承漾水曰獻水口 又西

南寒水注之

水東出寒川西流入西漢寰宇記云  
大寒水在三泉故縣南十五里西流

至龍門山入大石穴按龍門山在故三泉縣西七  
十里今在廣元縣東北八十二里其水即禹貢之  
潛郭璞所謂從沔陽南流至漢壽入大穴  
中通岫山下西南潛出者也詳見梁州 又西逕

石亭戍

廣平水西出百頃川東南流注漢  
又有平阿水出東山西流注漢水

又逕晉

壽城西又南合漢壽水

水出東山西逕東晉壽故  
城南而西南入漢按今廣

元縣南有漢壽水

又東南逕葭萌縣東北與白水合

白水西北

出臨洮縣西傾山又東南逕白水縣故城東又東  
南逕小劔戍北西去大劔三十里又東南至吐費

城南即西晉壽之東北也東南流注漢水水有津  
關按元和志晉壽故城在利州益昌縣東南五十

里本漢葭萌縣也此為西晉壽今在昭化縣界白  
水即桓水詳見梁州嘉陵江自陝西寧羌州界東

南流逕四川廣元縣西又西南逕昭化縣東南又  
南逕劔州東又東南入蒼溪縣界白水關在寧羌

州西南九十里接昭化界又東南逕巴郡閬中縣  
東北去關城一百八十里

巴西郡治也閬水出閬陽縣而東逕其縣南又東注漢水按三巴記云閬白二水南流曲折三四如巴字即嘉陵江也自蒼溪縣界東南流逕閬中縣西南又東南逕南部縣東北又東南逕蓬州東又西南逕南充縣東又南入定遠縣界寰宇記云嘉陵水又名閬中水亦曰閬江亦曰渝水華陽國志曰閬中有渝水實民多居水左右天性勁勇銳氣善舞今所謂巴渝舞也

又東南逕宕

渠縣又東南合宕渠水

水北出南鄭縣南巴嶺謂之北水東南流與難水合

又東南流逕宕渠縣謂之宕渠水又東南入漢按宕渠故城在今渠縣東北七十里宕渠水亦名渠江重慶府志云嘉陵江自定遠縣流入合州界又一百九十里合渠江又十里至州城東南合涪江又南四十里入巴縣酈道元以宕渠水為禹貢之潛非是辯見梁州

又東南逕江州

縣東南入于江

涪水注之故仲雍謂涪內水者也按江州本作江津誤今據漢志改

正以今輿地言之秦州西和禮縣成縣並屬陝西鞏昌府

略陽寧羌

並屬漢中府

廣元昭化劍州蒼溪閬中南部

並屬四川保寧府

蓬州南充

並屬順慶府

定遠合州巴縣

並屬重慶

府諸州縣界中皆西漢水之所經也禹貢雖無西

漢水然必周知其所歷之地而後可以折東漢受

氏道水之妄且廣元以下即禹貢之潛昭化合白

水亦即禹貢之桓皆有關於經故備著之

禹貢以嶓冢繫梁州而漢志嶓冢在雍域之隴西一誤也禹貢云嶓冢導漾而漢志以嶓冢所出為西漢水其漾水則出氐道二誤也禹貢之潛乃漾水枝津西出為西漢水而漢志西漢水出西縣之嶓冢三誤也漢志不言漾水出何山而水經云出氐道縣嶓冢山是氐道亦有嶓冢四誤也漾者東漢之源而續水經者以西漢接漾水為一川五誤也漾沔枝津皆自東入西而酈注從舊說云西漢水至葭

萌入漢六誤也川流離合地上灼然可見而酈注  
惑闕駟之說以為原始要終潛流或一故東西俱  
受漢漾之名七誤也羣言殺亂學者靡所折衷今  
說漢水當排棄諸家專主禹貢以沮沔為漢之別  
源以西漢為漾之枝津而氐道水則存而不論是  
亦理亂絲解連環之術也

蔡傳漾水名水經曰漾水出隴西郡氐道縣嶓冢

山東至武都

遺沮縣為漢水五字

常璩曰漢水有兩源北東



源也即禹貢所謂嶠冢導漾者其西源出隴西嶠冢  
山會泉始源曰沔逕葭萌入漢東源在今西縣之西  
西源在今三泉縣之東也酈道元謂東西兩川俱  
出嶠冢而同為漢水者是也水源發於嶠冢為漾  
至武都為漢今按酈注引常璩華陽國志曰漢水  
有二源東源出武都氐道縣漾山為漾水禹貢導  
漾東流為漢是也西源出隴西嶠冢山會泉逕葭  
萌入漢始源曰沔而蔡氏所引割裂顛倒文義盡

尖泉本白水二字傳寫者誤合為泉字當作會白水選葭萌入漢而蔡氏不悟意會泉為泉名即始源曰沔乃易置四字於選葭萌入漢之上殊為可笑常璩承地志水經之謬而又撰漾水之名以西源為沔其謬滋甚自魏收謂漢水出嶓冢縣而杜佑復從而證明之世亦知東西兩川原委劃然為二矣王象之輿地紀勝引宋朝郡縣志云今之言漢水以西縣之嶓冢山為源此即後魏之嶓冢縣

隋更名西縣者非隴西之西縣今在秦州境者也

周廢西縣入上邽隴西之西縣絕已久矣

蔡氏云東源在今西縣之西

亦似從郡縣志主隋之西縣而謂西源在今三泉

縣之東則大非三泉本漢葭萌縣地唐武德初分

置三泉縣在利州東北一百五十里天寶初移治

嘉陵江東一里關城倉陌沙水之西西南去故城

一百二十里

見寰宇記

即宋故太安軍也今在寧羌州

西北金牛驛西六十里

宋紹興三年改建太安軍於今沔縣界復置三泉縣

隸軍即今縣西南九十里大安驛也  
蔡氏所指三泉縣蓋在沙水西者 北距隴西嶠

冢山六百餘里而謂西源在三泉之東相去懸絕  
總由不知宋之西縣即隋之西縣隋之西縣非漢  
之西縣故輾轉迷惑終無是處酈元所謂兩川俱  
出嶠冢者仍指隴西之山蔡氏誤認在漢中故又  
實其言以為東源出嶠冢山東則當在西縣之西  
西源出嶠冢山西則當在三泉之東是謂東西兩  
川俱出嶠冢而同為漢水云爾而不知其舛錯為

已極也又云水源發於嶓冢為漾至武都為漢夫  
武都縣遠在漢中之西北兩源既並出漢中宣復  
有西北流至武都者哉隋人改嶓冢縣曰西縣五  
百年後蔡氏獨受其誤吾不能不為蔡氏轉恨隋  
人也

蔡氏岷嶓既藝傳云嶓冢山地志云在隴西氏道  
縣漾水所出又云在西縣今興元府西縣三泉縣  
也蓋嶓冢一山跨於兩縣云今按漢志氏道無嶓

冢水經始有之西縣亦屬隴西與隋之西縣相去懸絕而蔡氏云一山跨兩縣蓋與興元之西縣為隴西之西縣又以興元之三泉當隴西之氏道也既不知有二西縣又不知有二嶓冢故此傳云東源在今西縣之西西源在今三泉縣之東支離之說所自來矣大抵東源出漢中宋人皆以為然而謂西源亦出漢中則自蔡氏始以余觀之西漢水之名實以漾水枝津西南潛出故謂之西漢鄭康

成云漢別為潛流與漢合大禹自道漢疏通即為  
西漢水此古人名水之本義也自班固以西縣所  
出為西漢之源而其指乖矣今若以從沔陽南流  
者為西漢之源即謂西源在三泉之東亦無不可  
然傳者之意初不若是也郢書燕說聊為仲黠解  
嘲云爾

又東為滄浪之水

釋文浪音郎渭  
按滄史記作蒼

林氏曰張平子南都賦云流滄浪而為隍廓方城而

為墉李善注引左氏傳屈完所謂楚國方城以為城  
漢水以為池則是滄浪即漢水也蓋漢水至於楚地  
則其名為滄浪之水也易氏曰漢水自興元南鄭縣  
又七十二里至城固縣北又三百里至洋州興道縣  
南又五百里至金州西城縣北又六百八十里至均  
州武當縣西北四十里水中有滄浪洲又名滄浪水  
渭按武當漢屬南陽郡今為均州屬湖廣襄陽府  
傳云別流在荊州正義云傳言別流似分為異水



按經首尾相連不是分別當以名稱別流也渭按水經夏水注云鄭玄注尚書滄浪之水言今謂之

夏水來同故世變名焉劉澄之著永初山水記云

夏水古文以為滄浪漁父所歌也因此言之水應

由沔今按夏水是江流沔非沔入夏假使沔注夏

其勢西南非尚書又東之文也此辨最為明晰孔

傳實出康成之後以夏水為滄浪故曰別流滄浪者漢

水之色也非因洲而得名李白襄陽歌云漢水鴨頭綠正所謂滄浪說卦震為蒼筤竹漢童謠木門

禹貢鉅指

五

水經注

倉琅根字雖不同而音義則一皆言其色青也水經注漢水自南鄭縣東

南又東逕胡城南在今城固縣西四十里又東黑水注之在城

固縣西北五里又東逕城固縣南元和志漢水逕城固縣南去縣二里按今城固

縣北有城固北城漢置即大城固也又東逕魏興安陽縣南洧水出

自旱山北注之蔡傳云安陽今洋州真符縣也按真符在今洋縣東六十里元省入

洋州旱山在今南鄭縣東南漢志安陽驚谷水出西南北入漢師古曰驚音潛其字亦或從水洧灑

古字通或以為禹貢之潛非是是酈注云洧水即黃水也又東會益水在洋縣西北二

里十五又東至瀟城南與洛谷水合水北出洛谷北通長安按瀟城

今洋縣東北二十三里興勢故城是也  
洛當作駱瀼谷在縣北即駱谷之南口  
又東逕小

城固南

州治大城固移縣北故曰小城固漢水東  
歷上濤而逕於龍下龍下地名自白馬迄

此則平川夾勢水豐壤沃利方三蜀矣度此  
從漢為山行之始按今洋縣治即興道故城小城

固城在縣東元和志漢水經興道縣南去縣一百  
步窰宇記云漢水自發源至此屈曲行三百七十

里入金州

又東逕石門灘

在洋縣東  
五十里

又東逕猴經

灘山多猴猿好乘危  
緞飲故灘受斯名

又東逕大小黃金南

水北對  
黃金谷

在洋縣東  
八十里

又東合蘆蔭溪口

水北出就谷在長安  
西南其水南流逕陽

都坂東又南歷蘆蔭溪而南注於漢按陽都坂蘆  
蔭水皆在洋縣東北又有子午道在縣東一百六

十里元和志云黃金縣有驛即子午道也舊道在金州安康縣界梁王神念別開此路又東

右會洋水

水導源巴山東北流入漢隋志西鄉縣有洋水元和志云經縣東八里

又

東歷敖頭

水陸嶮湊魏興安康縣治

又東合直水

水北出子午谷東南逕直

城西而南注漢按直城西與今石泉縣接界寰宇記云漢水在石泉縣東百步

又東逕直

城南

又東至于渡而至蝦蟇嶺歷漢陽灕口而屆於彭溪龍竈矣並溪澗灘磧之名也按魏地

形志金城郡治直城縣其故城在今漢陰縣西

又東逕晉昌郡之寧都縣

南

寧都故城在漢陰縣東七十里晉置屬晉昌郡唐改曰漢陰寰宇記云漢水在漢陰縣南二里

今在縣西

又東逕魏興郡廣城縣

沈約宋志魏興郡有廣城縣其故城在今

紫陽縣東南漢水在縣南門外又東得魚脯溪口舊西城廣城二縣指此谷而分

界又東過西城縣南又東逕鼈池而鯨灘蜀都賦曰流漢湯湯驚浪雷奔望之

天四即之雲昏者也又東逕西城縣故城南漢中郡之屬縣漢末為西城郡

魏改為魏興郡治焉按漢水自紫陽界折而東北流入興安州界州本漢西城縣唐為金州治元和

志漢水去州城百步水出麩金又東合旬水謂之旬口在今洵陽縣東南漢志漢中旬

陽縣北山旬水所出南入沔又東逕木蘭南左岸壘石數十行為木蘭塞云吳朝

遣軍救孟達於此又東左得甲水口水出秦嶺山東南流逕魏興之洵陽縣又

東石入漢水按漢志上雒縣甲水出秦嶺山東南至錫入沔當在今白河縣界白河漢錫縣地也

又東逕錫縣故城北

為白石灘故春秋之錫穴也錫音陽

又東逕長

利谷南

漢志漢中長利縣有郾闕其故城在今郾西縣西南

又東逕堵陽縣

堵水入焉

水自建平郡界東北流逕堵陽縣西而北注於漢在今郾縣南

又東逕

郾鄉縣故城南

郾鄉唐屬均州元改曰郾縣元和志郾鄉縣漢水西自豐利縣界流

入南去縣三里東有澇灘冬即水淺而下多大石又東為淨灘夏水急迅行旅苦之歌曰冬澇夏淨

斷官使命豐利今白河也

又東逕琵琶谷口

梁益二州分境於此故謂之琵琶界

又東北流屈而東南逕武當縣

今為均州在襄陽府西北三百九十

里西去興安州七百里

縣西北四十里漢水中有洲名滄浪

洲庾仲雍漢記謂之千齡洲非也是世俗語訛音  
與字變矣地說曰水出荆山東南流為滄浪之水  
是近楚都故漁父歌曰滄浪之水清兮可以濯我  
纓滄浪之水濁兮可以濯我足余按尚書禹貢言  
導漾水東流為漢又東為滄浪之水不言過而言  
為者明非他水決入也蓋漢沔水自下有滄浪通  
稱耳纏絡鄢郢地連紀郢咸楚都矣以今輿地言  
之漢水自南鄭縣南又東逕城固縣南

城固在漢中府東少

北七十里水去縣四里舊志云縣東二里有飲馬灘每子午二時潮響如雷又五里為上濤下濤龍

亭廢縣在縣東龍亭山下即龍下也又東逕洋縣南洋縣在府東南一百二十里水

去縣二里又東逕西鄉縣東北西鄉在府東南二百二十里又東南

逕石泉縣南石泉在興安州西二百五十里水去縣五十步又東逕漢陰

縣南漢陰在州西少北一百六十里水去縣八十里又東逕紫陽縣南紫陽

在州西南一百八十里州志云有怯灘在縣西十五里水陡如闕又大力灘在縣西八里兩岸夾石

左右有兩石背最為舟楫患又石梁灘在縣西當任河水口中宮灘在縣東南一里極高險中流有

柱石怒濤之聲如雷長灘在縣東四里近汝河又灘不甚險商舟停集漁火絡繹皆漢水所經也



東北逕興安州北

州志云州境漢江多灘麩灘串灘二郎灘為險而神灘尤甚明

成化十三年知州鄭福於沅冬時用火燒石疏鑿以殺其勢舟行利焉萬歷十一年漢水溢壞州城

公私廬舍皆盡溺死者數千人州東一里有長春隄成化八年為水衝壞十五年鄭福增築高堅萬

歷二十年復加修築

又東逕洵陽縣南

洵陽在州東一百二十里水在縣南門外

又東逕白河縣北

白河在州東南二百七十里

又東逕鄖西縣

南

鄖西在湖廣鄖陽府西一百四十里水去縣五十里

又南逕鄖縣南

明成化十

二年置鄖陽府治鄖縣舊志云漢江自城西遶城南寶蓋天馬諸山皆錯列漢濱

又東逕

均州北

均州在襄陽府西北三百九十里水去州四十里

經所謂又東為

滄浪之水者也

自均州以至漢陽皆名滄浪之水故曰是近楚都

葉少蘊云滄浪地名非水名大抵禹貢水之正名而不可單舉者則以水足之黑水弱水澧水是也非水之正名而因地以為名則以水別之滄浪之水是也沅水伏流至濟而始見沅亦地名可名以濟不可名以沅故亦謂之沅水乃知聖言一字未嘗無法也渭按水名或單舉或配水字各有所宜如漆沮既從自不可加水字澧水攸同無水字則

不成辭矣如澧必配水導渭何以云東會于澧乎  
弱黑並配水漾單舉沆配水皆屬辭之體應爾非  
有他義也山海經凡山水以二字為名者其上必  
加之字猶此經滄浪之水也亦古人屬辭之體安  
見滄浪為地名而非水名乎信如葉言則山海經  
曰嶠冢之山嶠冢亦是地名而非山名矣

過三澨至于大别南入于江

釋文澨  
市制反

傳曰三澨水名入漢大别山名觸山迴南入江易氏

曰漢水自滄浪洲東南流三百六十里至襄陽府襄陽縣又三百二十里至郢州長壽縣又三百里至復州景陵縣又東至漢陽縣大別山之東北入江渭按說文澁埤增水邊土人所止也大別見導山

孔傳以三澁為水名不如說文之精確按詩汝墳傳曰汝水名墳大防也箋以為汝水之側淮澆傳曰澆涯也箋以為淮水大防毛鄭彼此互異正義遂謂澆從水墳從土故其義有別而實不然爾雅

釋丘瀆大防李巡曰謂厓岸狀如墳墓名大防也  
康成注大司徒墳衍云水厓曰墳酈道元以瀜為  
水側之瀆是知瀆與墳字別而義同其互異者乃  
所以互相備耳參以說文水邊即厓埤增之土即  
大防防大故為人所止也左傳成十五年華元決  
雎瀜雎即雎水瀜則其防也故曰決王逸注西瀜  
云水涯杜預注漳瀜云水邊義皆與說文合然其  
地必有名川來入漢患其衝激故大為之防以為

水名猶可蔡傳直謂之澁水則大謬不然矣

水經第四十卷末言禹貢山水澤地所在曰三澁

池之南在邛縣之北

池今本作地為是然自酈元時已訛觀注云池流可見傅

寅集解引此亦作池明地字乃近世所改之南上恐有脫文

酈注云尚書曰道

漢水過三澁地說曰沔水東行過三澁合流觸大

別山陂故馬融鄭玄王肅孔安國等咸以為三澁

水名也許慎言澁者埤增水邊土人所止也按春

秋傳文公十六年楚軍次於句澁以伐諸庸宣公

四年楚令尹子越師於漳澁定公四年左司馬戍

敗吳師於雍澁昭公二十三年司馬蕞越縊於蕞

澁

今左傳本作蕞澁蓋  
以上有蕞字而誤

服虔或謂之邑或謂之地

京相璠曰杜預亦云水際及邊地也今南陽清陽

二縣之間清水之濱有南澁北澁矣而諸家之論

水陸相半又無山源出處之所津途闕路唯鄭玄

及劉澄之言在竟陵縣界經云郎縣北池然池流

多矣論者疑焉而不能辨其所在渭按左傳澁有

五雎溼宋地故酈注不引今就其所引者論之不  
知何者可當禹貢三溼之目蔡傳以漳溼遠溼與  
汭水為三溼而句溼雍溼其地皆有可攷却不數  
韓汝節宗之以汭溼漳溼遠溼為三溼汭溼古無  
此名遠溼不知所在紛紛推測終無定論所可知  
者三溼為漢水之三大防其地當有名川來入漢  
上不越滄浪下不踰大別而已

愚意三溼當在清  
水入漢處一在襄

城北即大隄一在樊城南一在三洲口東皆  
襄陽縣地在即縣之北也言在竟陵者非是



邳縣故城在今襄陽府宜城縣東北

孟康曰邳音忌

其北

即襄陽縣之東境是也史記索隱曰三澁地名在

南郡邳縣北蓋即水經所言今無地以應之按清

水注云清水左右舊有二澁所謂南澁北澁者水

側之漬此京相璠云在南陽清陽之間者

漢志南陽郡育

陽縣有南筮聚在東北與邳縣無涉若以為入漢之水名則

二澁不可為三澁又按水經沔水從襄陽縣東屈

西南清水從北來注之注云襄陽城東有東白沙

白沙北有三洲東北有宛口即清水所入也清水

今名唐河在襄陽縣東北及會白水

一名濁水一  
名弱溝水

又謂之唐白河而清水之名遂晦其入漢處名三

洲口三國時吳將朱然攻樊司馬懿救之追至三

洲口大獲而還又王景屯新野習水軍於三洲謀

伐吳水經即北之三滙豈即此三洲邪然洲滙不

同水中可居者曰洲埤增水邊土人所止者曰滙

以洲為滙吾終不能無疑也

鄭劉皆言三澁在竟陵界故後世說三澁者多求之此地索隱曰今竟陵有三參水俗云是三澁水參音去聲蔡傳曰三澁水名今郢州長壽縣磨石

山發源東南流者名澁水至復州景陵縣界又名

泚水

韓汝節云泚楚駕反今按唐沔州有泚川縣杜佑曰泚音义宋避太宗嫌名改泚川曰漢

川縣則泚與義同音可知廣韻泚魚肺切水名蔡傳作泚從俗也元和志云泚川水在泚川縣南二

里漢陽府志云楊子港自景陵縣流逕漢川縣北又東入澗水即泚水也疑即三澁之

一據左傳漳澁澁則為水際未可曉也湖廣通

志曰沔陽州黃蓬之山下枕大江其東南有三澁  
焉北為滄浪之水按山臨大江而所稱三澁者又  
在其東南與漢水絕無交涉通志大謬承天府志

以司馬河為一澁

即出磨石山者

馬溪河為一澁石家河

為一澁自京山合流入景陵界謂之三汊水蓋即

索隱所稱三參水也

參去聲讀若纂蓋土音由汊轉而為參也

蔡氏謂

即三澁之一者專指司馬河而言

左傳定四年吳子伐楚舍舟于淮汭自豫章與楚

夾漢史皇謂子常必速戰乃濟漢而陳自小別至  
於大別三戰子常知不可欲奔史皇止之十二月  
庚午陳於柏舉吳師大敗楚師子常奔鄭孔疏云  
小別當在大別之東何則子常從小別與吳戰退  
而至大別明自東而漸西也今按豫章杜注云漢  
東江北地自豫章與楚夾漢謂吳軍漢東楚軍漢  
西也子常濟漢而陳自小別至於大別言其師衆  
為長陳自西及東若此其遠兩軍合戰則自大別

以東尋傳文無從小別與吳戰退而至大別之事也小別當在大別之西孔說正相反今漢川縣東

南有甌山即小別山元和志云小別山在漢川縣

東南五十里

唐漢川縣在今漢川縣北三十里故里數不同

寰宇記云山

形如甌土諺謂之甌山

索隱曰大別山土人謂之甌山蓋承孔疏之誤

別相去一百二十餘里

水經注漢水自武當縣東北又東為很子潭

潭中有石

磧洲長六十八丈又東南逕武當縣故城北又東南逕

縣城東

縣南有武當山一曰太和山亦曰麥上山

又東逕龍巢山下

沔水中高十五丈廣百一里二百三十步

又東南逕涉都城東北

故鄉名也

郡國志筑陽縣有涉都鄉均水於縣入沔謂之均口按涉都城在今穀城縣界均水自南陽府浙川

縣流逕均州至穀城入漢今故道已湮

又東南逕鄴縣之西南

今光化縣

北有鄴縣故城

又東逕穀城縣南

今穀城縣北有故穀城

又東南逕

陰縣故城西

城在今光化縣東北

又東逕關林山東

關林一作關林

在穀城縣西北四里

又南逕筑陽縣東又南筑水注之

杜預以為

彭水水出新城郡魏昌縣界東南流逕筑陽故城南又東入于沔筑音逐今穀城縣治即筑陽故城

也筑水在縣南又南逕高亭山東又東為漆灘山都與筑陽分界於

斯又東逕山都縣東北沔陽有固城即新野山都縣治沔水又東偏淺冬月

可涉渡謂之交湖兵戎之交多自此濟今襄陽縣西北有山都故城又東逕樂山北

昔諸葛亮好為梁父吟每所登遊故名今襄陽縣西北六十里獨樂山是也又東逕隆

中歷孔明舊宅北今襄陽縣西三十里隆中山是也又東逕襄陽縣北又

東逕方山北方山一名萬山元和志萬山一名漢皋山在襄陽縣西十一里與南陽鄧

縣分界處古諺曰襄陽無西言其界促近又東合檀溪水水出縣西柳

注於沔一水東南出應劭曰城在襄水之陽故曰襄陽是水當即襄水也按今襄陽縣治即襄陽故



城謂之壘城在郡治之西唐書神龍元年漢水齧城張東之罷政市還襄州因壘為隄以遏湍怒自

是郡置防禦守隄使隄在縣東北樂府有大隄曲謂此也唐盧鈞宋葉衡明聶賢徐學謨屢加修築

### 又東逕平魯城南

城魯宗之所築東對樊建安中關羽圍于禁於此城會沔水汎

溢三丈有餘城陷禁降按樊城在縣北三里舊志云隄防至切者在襄樊二城間蓋二城並峙中流

如峽口且唐鄧之水從白河南注橫截又從縣東漢流以故波濤激射城隄為害最切也

### 屈西南清水從北來注之

清水入漢處名三洲口在襄陽縣東北詳見上

### 文 又逕桃林亭東

亭在襄陽縣東南

### 又逕峴山東

羊祜鎮襄陽嘗

登之山在縣南七里亦曰峴首

### 又東南逕蔡洲

在峴山南漢長水校尉蔡瑁居之故

名蔡 又東合洞口 水出安昌縣大父山西南流謂之白水又西南注於沔按安昌

本漢春陵縣後漢曰章陵魏更名安昌在今棗陽縣界 又東南逕中廬縣東

淮水自房陵縣淮山東流注之 今南漳縣東有中廬故城本春秋廬

戎國也 又東南逕黎丘故城西 建武四年朱祐自觀城圍秦豐於黎丘是

也按光武紀注云黎丘故城在今襄州率道縣北率道後改為宜城 又南逕邵縣東

北 元和志宜城本漢邵縣城東臨漢江古諺曰邵無東言東逼漢江其地短促也 又南得

木里水會 楚時於宜城東穿渠上口去城三里漢南郡太守王寵又鑿之引蠻水灌田謂

之木里溝逕 又南逕宜城縣東夷水出自房陵東

宜城東入沔

流注之

夷水蠻水也桓温父名曩改曰蠻水導源中廬縣界康狼山東南流歷宜城西山又

東南注於沔昔白起攻楚引西山谷水以灌城即是水也元和志漢水在宜城縣東九里又逕

郟縣故城南

古郟子國也秦以為縣其故城在宜城縣東南又東敖水注

之

是曰

又東逕石城西

石城即今安陸府治漢水自宜城南流百七十里而

至府西濁流蠶決最為可虞明嘉靖末下滯上圯漂溺不可勝計

又東南與白水

合

魯定公四年吳入郟昭王奔隨濟於成曰謂是水也

又東逕荆城東又東

南逕當陽縣之章山東

禹貢所謂內方山也既濱帶沔流實會尚書之文矣

在今荆門州東北

又東右會權口

水出章山東南流逕權城北又東入沔按荆門

州東南有權城又東南與陽口合

水上承江陵縣赤湖逕郢城南東北流謂之陽

水又東北白湖水注之又東北得東赤湖水口又東逕華容縣又北逕竟陵縣西又北注於沔謂之

楊口按陽水即楊水漢志漳水東至江陵入陽水陽水入沔是為陽口古之漳澁也又東得

澹口

其水承大澹馬骨諸湖水周三四百里及其夏水來同渺若滄海故郭景純江賦云其傍

則有朱澹丹灑是也又東南逕江夏雲杜縣中夏水從西來

注之

即堵口也為中夏水縣故邛亭禹貢所謂雲土夢作又故縣取名焉有雲夢城在東北按

通典復州沔陽縣有漢雲杜縣故城在縣西北有夏水沔水今沔陽州南長夏河即夏水也自監利

縣流經州南四十里與潛江縣分水又東北注於漢堵口今失其處蓋為水所湮也漢水在州北一

百里自潛江流入與景陵  
分水又東入漢川縣界  
又東逕左桑昔周昭王南征渡沔

中流而没百姓佐王喪事於  
此故曰佐喪左桑字失體耳  
又東與力口合在今景陵

縣東  
又東南澗水入焉謂之澗口元和志安陸縣澗水故清發水也西北自

隨縣流入注於沔  
今在漢陽縣西北  
又東逕沌陽縣北處沌水之陽也今漢陽縣

西臨嶂山下  
有沌陽廢縣  
又東逕林鄣故城北城在臨嶂山上又南至

江夏沙羨縣北南入於江庾仲雍曰夏口一曰沔

口矣左傳定公四年吳師伐郢楚子常濟漢而陳

自小別至於大別京相璠曰大別漢東山名在安

豐縣南杜預曰二別近漢之名無緣乃在安豐也  
案地說言漢水東行觸大別之陂南與江合則與

尚書杜預相符但今不知所是矣

漢陽縣本漢沙羨縣地後漢末

嘗為沙羨縣治東晉置沌陽縣齊廢隋改置漢陽  
唐沔州治宋為漢陽軍江水在城東南漢水在城  
北三里元和志漢陽縣漢水一名沔水西自漢川  
縣界流入漢口在縣東亦曰夏口左傳謂之夏沔  
章懷太子注後漢書云漢水始欲出大江為夏口  
又為沔口實在江北孫權於江南築城名為夏口  
而夏口之名移於江南沔水入江之口止謂之沔  
口或謂漢口夏口之名遂與漢口對立分據江之  
南北以今輿地言之漢水自均州北又東南逕光  
矣

化縣西南

光化在襄陽府西北一百八十里水去縣十五里

又東南逕穀

城縣東北

穀城在府西北一百二十里水去縣二十五里

又東南逕襄陽

縣北

縣為襄陽府治東南三十里漢水中有龍尾洲縣志云漢水重濁與大河相似襄陽實當

其衝為患最劇自唐以來皆築隄遶城以防潰決又明正統嘉靖間兩被漂溺皆以大隄廢損故也

云嘉靖四十五年漢水溢樊城城北舊有大隄城南面江一帶皆輒城盡潰決議者謂樊城潰則襄

城無患於是疏塞不蚤樊城之富庶漸衰又東南逕宜城縣東宜城在

一百二十里又南逕鍾祥縣西鍾祥為安陸府治又南逕

荊門州東

荊門在府西九十里水去州一百二十里

又東南逕京山縣

西南

京山在府東一百五十里

又東逕潛江縣北

潛江在府南少東二百十

里水去縣二十里

又東逕景陵縣南

景陵在府東南二十里水去縣五十里

又東逕沔陽州北

沔陽在府南少東三百三十里水去縣一百里州志云漢水由

荆門州界折而東大小羣川咸匯焉勢盛流濁浸淫盪決為患無已而潛江地居汙下遂為衆水之壑一望瀾漫無復涯際漢水經其間重湖浩渺經流支川不可辨也蓋漢水為湖北之害而襄郢二州為甚潛江又承襄郢之委流當江漢曲折迴合之處瀦為大澤勢不能免矣而景陵沔陽又潛江之委流也今沔陽四境唯湖陂連亘幾數百里皆為漢水所匯蓋漢水性曲往往十里九灣語曰勁莫如濟曲莫如漢郢沔之間波流迴盪自必瀦為藪澤小民見填淤之利復從而隄防之為民牧者



又不講於節宣之宜疏濬之理歲月之間苟幸無事大水時至則委之洪濤中耳童承叙曰漢水至濁與江湖水合其流必澄故常填淤而沮澤之區因成沃壤民漸芟剔墾為阡陌又因其地之高下修隄防以障之大者廣輪數十里小者十餘里謂之曰院其不可隄者悉棄為萊蕪昔時院必有長統丁夫主修葺其後法久弊滋修不以時院愈多水愈迫客堤愈高主堤愈卑故水至不得寬緩湍怒迅激勢必衝齧主堤先受其害客堤隨之泛濫洶湧悉為巨浸矣又東逕漢陽縣北縣為漢陽府治又東至大別山折而南是為漢水去縣三里

口經所謂過三澁至大別南入于江者也

隄防考云舊時

漢水從黃金口入排沙口東北折抱牯牛洲至鵝公口又西南轉北至郭師口對岸曰襄河口約長

四十里然後下漢口成化初忽於排沙口下郭師口上直通一道約長十里漢水徑從此下而故道遂淤今魚利畧存不通舟楫俗呼為襄河以上流自襄陽來也按漢水本東行觸大別之陂而南回入江今則自郭師口以上決而東逕大別山後入江非復古之夏沔矣

漢志云東漢

水一名沔過江夏謂之夏水入江又云沮水南至

沙羨南入江過郡五

武都漢中南陽南郡江夏

行四十里蓋曲

莫如漢故其所行有若是之遠也

東匯澤為彭蠡東為北江入于海

釋文匯徐胡罪反韋空為反

傳曰匯迴也以東迴為彭蠡大澤朱子曰彭蠡之為

澤實在大江之南然以地勢北高而南下故其入於

江也反為江水所遏而不得遂因却而自瀦以為是

瀰漫數十百里之大澤

見九江彭蠡辨

程氏曰通禹貢一書

水之以小注大則為入水力稍相參配則為會而匯  
之為義唯此有之以其力大而相衝蕩其狀回復宛  
轉無有此受彼聽之別故與他水合併為一者不同  
也傅氏曰三江相會而南不能以敵中北西來之勢  
中北遏南而南相與迴旋而為一大澤者其來久矣

今禹本其有澤之因故歸之於漢曰東匯澤為彭蠡

而於江亦曰會於匯也黃氏

潤玉

曰敘江漢皆言東

者主岷嶓居西而云非指曲折所向為文也吳氏曰

漢既入江與江混為一水而又曰東為北江入于海

有似別為一水然何也蓋漢水源遠流大可亞於江

兩相匹配與他小水入大水之例不同故於荊州言

朝宗于海必以江漢並稱蓋曰江之入海非獨江水

實兼漢水江固為江漢亦為江也故漢得分江之名

而為北江記其入海者著其為瀆也三瀆皆自為一瀆惟江與漢共為一瀆導水九條始之以二水終之以二水而中間記四瀆其一河一瀆也其二漢與江一瀆也其三濟瀆其四淮瀆河瀆非無它水入之然皆小水入大水故河得以大併小而專為瀆江漢體勢均敵二水合流所以如此其大不以漢附於江而泯其入海之實故於漢於江並言入海而同為瀆也若漢不為瀆則東為北江入于海七字衍文而其序

當殿導洛之後矣。渭按彭蠡三江見揚州漢既入江所行與江同道。故於導江下釋之。

傳云自彭蠡江分為三入震澤。遂為北江而入海。下傳又云有北有中南。可知是以前江中江南江為三江也。今按禹貢三江只是一江。而昔之言三江者不一。漢志毗陵之北江。蕪湖之中江。吳縣之南江。皆曰揚州川。蓋主職方而為言。然周之三江與古之三江。豈容有二。羣言淆亂。班固襍採入志。

耳吳越春秋所謂三江之口者酈元言雖稱相亂  
不與職方同可以正班固之失夫職方之三江即  
禹貢之三江也既不與職方同則亦與禹貢異而  
蔡傳專主庾仲初之三江不已謬乎諸言北江者  
皆謂由毗陵縣北入海此即湔氐道下所謂東南  
至江都入海者也安國傳乃言江入彭蠡分為三  
入震澤自震澤遂為北江而入海則北江直是松  
江吾不知其為何說矣總之大江與震澤本不相

通說者據後世溝通江湖之遺跡命之曰中江南江而以大江為北江與此二水者並列而為三班固不察遂以為職方之三江而禹貢之三江亦從此訛矣郭璞以岷江松江浙江為三江視班固差長然異源各派即與導漾導江之義有礙求合於禹貢舍康成子瞻無可從者矣

王耕野云先儒有九江彭蠡辯其辯九江則是而辯彭蠡則非彭蠡乃今之鄱陽湖其源固有豫章



諸江而其為澤則固江漢之所匯者也今春月江水暴漲則匯而入湖蓋江流浩渺而其下束以小孤山水道狹甚其勢不得不逆流而入此澤故有發舟湖口無風而一夕達鄱陽之安仁者問其故乃舟乘逆流行甚迅速猶隨潮而上者也故江水之匯衆所共知今乃疑之顧弗深考耳且謂漢自大別入江合流已七百餘里安能復識其匯澤者為漢水邪亦可謂膠固之甚者矣夫單叙漢水源


流則其勢不得以漢水為主但既云南入江則  
東匯澤為彭蠡即江漢共匯可知矣不成曰南入  
于江東與江共匯澤為彭蠡然後為明白邪又謂  
彭蠡在大江之南當曰南匯不當曰東匯匯既在  
南則當曰北為北江不當曰東為北江其論南北  
反戾幾為可笑蓋江漢兩水皆發源西蜀而東流  
入海獨漢水到大別入江則折而南流與江相合  
仍東流而匯為彭蠡又東流為北江以入海其東

西南北以天下大勢論不主一江南北而言也今若欲改云南匯彭蠡則是南流入江之後又南匯彭蠡則漢水當逆流向洞庭矣匯澤之後不云東為北江而云北為北江則漢水又當決破安慶橫入淮河矣

朱子之為辯也其說甚長大指謂彭蠡有源三江不分而已然東匯澤為彭蠡元非謂彭蠡無源全賴江漢之水南注以成其澤也讀者以辭害義而

疑經為誤朱子云為江水所遏因却而自豬正合  
經意蔡傳併此數語刪之而經文真成紕繆矣揚  
州之三江主合不主分導水雖有北江中江之目  
亦就嶓漢言之則為北江就岷江言之則為中江  
云爾非劃然分為二派也故三江不分亦無害於  
經至若味別洲別之論不足詳辯南匯北為之說  
未免過求夾漈衍十三字斷不可從而三苗負固  
官屬不敢深入尤為賸語故雖以紫陽之明訓而

學者疑焉終不能怡然理順也蔡氏巢湖一段朱子所無謂官屬錯比彭蠡於巢湖則又莫須有之獄矣



禹貢錐指卷十四上